



ՀԱՍՏԱՏՈՒՄ ԵՄ՝
ՀՀ ԲՆԱԴԱՀՊԱՆՈՒԹՅԱՆ
ՆԱԽԱՐԱՐ

Է. ԳՐԻԳՈՐՅԱՆ

« 01 » 06 2018թ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 52

Ձեռնարկողը՝

<<ԳԱԶ>> ՓԲԸ

Ք. Երևան, Զրվեժի խճ.1

Գործունեությունը՝

**Գաջի գործարանի վերազինման նախագծի շրջակա
միջավայրի վրա ազդեցության գնահատման հաշվետվություն
ք. Երևան**

**<<Շրջակա միջավայրի վրա ազդեցության
փորձաքննական կենտրոն>> ՊՈԱԿ-ի
տնօրեն՝**



Վ. Սահակյան

Առդիր եզրակացությունը՝ 7թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ

թիվ ԲՓ 52

<< 01 >> 06 2018թ.

**<<Գաջի գործարանի վերազինման>> նախագծի շրջակա միջավայրի վրա
ազդեցության գնահատման հաշվետվություն**

Պատվիրատու՝

<< Գաջ>> ՓԲԸ

Նախագծող՝

<<Ակունք-Ֆիրմա>> ՍՊԸ

Ներկայացված նյութեր՝

Աշխատանքային նախագիծ.

- շրջակա միջավայրի վրա ազդեցության
(ՇՄԱԳ) հաշվետվություն,

- նախագծային փաստաթղթեր:

Տեղադրման վայրը՝

ք. Երևան



Նախատեսվող գործունեությունը գտնվում է Երևան քաղաքի Նոր-Նորք համայնքում՝ Զրվեժի խճուղի-1 հասցեում, Նորքի 9-րդ զանգվածից մոտավորապես 650.0մ հեռավորության վրա:

Նախագծով նախատեսվում է գաջի գործարանի վերազինում՝ ցեմենտի արտադրության ավելացում: Վերազինումն իրականացվում է «Գաջ» ՓԲ ընկերության գործող տարածքում և լրացուցիչ հողատարածքներ չեն խախտվելու: Գործարանի վերազինման նախագծով գաջի արտադրության համար նախատեսված արտադրամասերը, ինչպես նաև երեք վառարաններն, օգտագործվելու են ցեմենտի արտադրության համար: Գործարանը աշխատում է տարեկան 350 օր, օրական երկու հերթափոխով, յուրաքանչյուր հերթափոխը 12 ժամ:

Տարեկան արտադրողականություններն ըստ գաջի և ցեմենտի նախատեսվում է.

Անվանումը	Տարեկան արտադրողականությունը, տ	Օրական ծախսը, տ	Հերթափոխային, տ
Գաջ	250 000	714,3	357,2
Ցեմենտ	148 000	422,9	211,4

«Գաջ» ՓԲ ընկերության գործարանի ներկայիս արտադրողականությունը նախատեսված է մինչև 500.0հազ.տ/տարի գաջ: Ելնելով շուկայի պահանջարկի ավելացման պահանջարկից, որը պայմանավորված է շենքերի և շինությունների շինարարության, ճանապարհաշինության աճով, մեծացել է ցեմենտի պահանջարկը: Հաշվի առնելով այս հանգամանքը «Գաջ» ՓԲ ընկերությունը նախատեսում է վերազինել գործարանը և գաջի արտադրության հետ զուգահեռ արտադրել նաև ցեմենտ:

Համաձայն ներկայացված փաստաթղթերի՝ գաջի արտադրության համար հումք է հանդիսանում կավագիպը, որը կուտակվում է 0,29հա մակերեսով բաց պահեստում: Կավագիպը ենթարկվում է երկփուլանի ջարդման: Առաջին փուլում ջարդումն իրականացվում է СМД-585 մակնիշի այտավոր ջարդիչում:

Այտավոր ջարդիչի արտադրամասից կավագիպը փակ փոխակրիչով տեղափոխվում է երկրորդային ջարդման արտադրամաս: Երկրորդային ջարդումն իրականացվում է СМД-975 մակնիշի մեկ մրճավոր ջարդիչի միջոցով, կավագիպը մանրեցվում է մինչև 20 մմ:

Մանրեցված կավագիպը մուրճավոր ջարդիչի արտադրամասից փակ փոխակրիչով տեղափոխվում է երեք 100.0տ-ոց հումքային բունկերներ:

Բունկերներից հումքը փոխակրիչով բարձվում է վառարաններ: Հումքը չորացվում է միաժամանակ երկու վառարաններում 1100°C ջերմաստիճանում: Վառարանից դուրս եկող ծխագազերը ենթարկվում են երկաստիճան փոշեմաքրման: Փոշեմաքրման գումարային արդյունավետությունը կազմում է 80%: Յուրաքանչյուր վառարանից ծխագազերը մթնոլորտ են արտանետվում 27.0մ բարձրությամբ և 0,85մ տրամագծով խողովակներից:

Վառարաններից հումքը փոխակրիչներով տեղափոխվում է միաժամանակ աշխատող 5 գնդավոր աղացներ: Աղացումն իրականացվում է չոր եղանակով:

Պատրաստի գաջը փակ փոխակրիչով աղացման արտադրամասից տեղափոխվում է օդաճնշապոմպի բունկերներ, որտեղից պնևմոտրանսպորտի միջոցով գաջը մղվում է 6 սիլոսներ:

Աղացման արտադրամասից արտանետումները կազմակերպված են, փոշու արտանետումները անցնում են երկաստիճան փոշեմաքրում: Մաքրումն իրականացվում է հաջորդաբար՝ գումարային փոշեմաքրման աստիճանը կազմում է 75%: Մթնոլորտ արտանետումները արտադրամասից իրականացվում են 0,5մ տրամագծով չորս խողովակների օգնությամբ, որոնց բարձրությունը կազմում է 13.0մ:

Օդաճնշապոմպի աշխատանքն ապահովում են 4 կոմպրեսորները, որոնց հովացման համար գործում է ջրի շրջանառու համակարգ:

Սիլոսներից փոշու արտանետումները մթնոլորտ կազմակերպված են, փոշենստեցումն իրականացվում է ճկափողային ֆիլտրերի միջոցով, որոնց մաքրման աստիճանը կազմում է 80%: Սիլոսների բարձրությունը կազմում է 22.0մ, արտանետման խողովակի տրամագիծը՝ 0,5մ:

Վերագինման նախագծով նախատեսվում է ստեղծել արտադրության երկու հոսքագիծ՝ գաջի և ցեմենտի:

Գաջի արտադրության համար նախատեսվող հոսքագիծ վերագինման արդյունքում նախատեսվում է.

- գաջի արտադրությունը նվազացնել՝ հասցնելով այն 250.0հազ.տ/տարի,
- արդիականացնել և ավելացնել փոշեմաքրման սարքավորումները,
- ներդնել սապիրացիոն համակարգեր,
- այտավոր ջարդիչի տեղամասում փոշեմաքրման արդյունավետության բարձրացման համար լրացուցիչ տեղադրել ԼԿ-15 մակնիշի մարտկոցային ցիկլոններ, որոնց մաքրման աստիճանը կազմում է 80%,
- մրճավոր ջարդիչի տեղամասում տեղադրվելու է լրացուցիչ СМД-975 մակնիշի ջարդիչ, ԼԿ-15 մակնիշի ցիկլոններ, որոնց մաքրման աստիճանը կազմում է 80%,
- նույնատիպ ցիկլոններ նախատեսվում են նաև հումքային բունկերների տեղամասում,
- վառարանների տեղամասի երկփուլային փոշեմաքրման համակարգը արդիականացվելու է՝ հասցնելով գումարային արդյունավետությունը մինչև 94%,

- աղացման արտադրամասում մաքրման սարքավորումների արդյունավետությունը արդիականացվելու է՝ փոշեմաքրման արդյունավետությունը հասցնելով մինչև 98%:

Համաձայն ցեմենտի արտադրության համար նախատեսվող հոսքագծի նկարագրի կլինկերը նախ բարձվում է մրճավոր ջարդիչ և մանրեցվում: Այնուհետև մրճավոր ջարդիչի արտադրամասից՝ կլինկերը, փակ փոխակրիչով տեղափոխվում է գոյություն ունեցող հումքային 100.0տ-ոց (երեք հատ) բունկերներ: Հումքային բունկերները բարձվելու են ցեմենտի բաղադրիչներով, որոնք խառնվում են հետևյալ հարաբերությամբ՝ 96% կլինկեր և 4% կավագիպս: Ցեմենտի բաղադրիչների տարեկան ծախսը կազմելու է.

Անվանումը	Տարեկան ծախսը, տ	Օրական ծախսը, տ	Հերթափոխային, տ
Կլինկեր	142080	406	203
Կավագիպս	5920	17	8,5

Տվյալ բաժանմունքում կիրառվելու է ասպիրացիոն համակարգ և փոշեմաքրում մարտկոցային ԼԿ-15 ցիկլոններում: Ցիկլոններից հետո փոշուց մաքրված օդը, 0,315մ տրամագծով և 17.0մ բարձրությամբ խողովակով, արտանետվելու է մթնոլորտ:

Բունկերներից հումքը փոխակրիչով տեղափոխվելու է թրծման երկու գործող, վառարաններ որտեղ թրծումն իրականացվելու է 1350°C աստիճանում: Փոխակրիչների մակերեսից փոշու կլանումը իրականացվելու է ասպիրացիոն համակարգով: Վառարաններից դուրս եկող ծխագազերը ենթարկվելու են երկաստիճան փոշեմաքրման, որոնց գումարային արդյունավետությունը յուրաքանչյուր վառարանի համար կազմելու է 94%: Յուրաքանչյուր վառարանից դուրս եկող ծխագազերը մթնոլորտ են արտանետվելու 27.0մ բարձրությամբ և 0,85մ տրամագծով խողովակներով:

Թրծված կլինկերի և կավագիպսի խառնուրդը տրվելու է աղացման: Պատրաստի ցեմենտը՝ փակ շնեկով, աղացման արտադրամասից տեղափոխվելու է օդաճնշապոմպի բունկերներ, որտեղից էլ մղվելու է 6 սիլոսներ:

Աղացման արտադրամասից փոշու արտանետումները մինչ մթնոլորտ արտանետվելը ենթարկվելու են երկաստիճան մաքրման՝ գումարային 98% արդյունավետությամբ, որից հետո միայն կարտանետվեն մթնոլորտ՝ 0,5մ տրամագծով և 13.0մ բարձրության, չորս խողովակների միջոցով:

Սիլոսներից մթնոլորտ փոշու արտանետումները կատարվելու են ճկափողային՝ 80% արդյունավետություն ապահովող, զտիչներով փոշենստեցում իրականացվելուց հետո: Սիլոսների բարձրությունը 22.0մ է, իսկ արտանետման խողովակի տրամագիծը՝ 0,5մ:

«Գաջ» ՓԲԸ-ի գործունեության ընթացքում շրջակա միջավայրի վրա բացասական ազդեցությունը նվազեցնելու նպատակով նախատեսվում է.

- տեղադրել ասպիրացիոն համակարգեր՝ արտանետումները դարձնելով կազմակերպված;
- նվազեցնել անկազմակերպ արտանետումները;
- բարձրացնել փոշեմաքրման արդյունավետությունը;
- նյութի տեղափոխումն իրականացնել փակ փոխակրիչներով և շնեկով;
- սիլոսները կահավորել ճկափողային զտիչներով;
- որսված փոշիները վերադարձնել տեխնոլոգիական գործընթաց;
- կոմպրեսորների հովացման համար գործում է ջրի շրջանառու համակարգ;
- բարեկարգել և կանաչապատել գործարանի տարածքը:

Գործունեության իրականացման աշխատանքների ընթացքում կառաջանան մի շարք արտադրական և կենցաղային բնույթի թափոններ, որոնց համառոտ բնութագիրը ներկայացվում է աղյուսակում:

N	Անվանումը	Վտանգավորության դասը	Ծածկագիրը	Չափման միավորը	Քանակը
1	Բանեցված կոմպրեսորային յուղեր	III	54100211 02 03 3	լիտր	1500
2	Բանեցված դողաձածկաններ	IV	57500202 13 00 4	տոննա	2.8
3	Կազմակերպության կենցաղային տարածքներից առաջացած չտեսակավորված աղբ (բացառությամբ խոշոր եզրաչափերի)	IV	91200400 01 00 4	տոննա	7
4	Բանեցված դիզելային յուղեր	III	54100203 02 03 3	լիտր	200
5	Հալոգեններ, պոլիքլորացված դիֆենիլներ և տերֆենիլներ չպարունակող բանեցված տրանսֆորմատորային յուղեր	III	54100207 02 03 3	լիտր	500
6	Չտեսակավորված սև մետաղներ պարունակող թափոններ (այդ թվում թուջի և/ կամ պողպատի փոշի):	IV	35131100 01 00 4	տոննա	10

Համաձայն փաստաթղթերի՝ Նոր-Նորք համայնքի տարածքում մթնոլորտն աղտոտող նյութերի ֆոնային կոնցենտրացիաների արժեքները (մգ/մ³) վերցված են ՀՀ Բնապահպանության նախարարության շրջակա միջավայրի վրա ներգործության մոնիտորինգի կենտրոնի կայքէջից: Համաձայն ՀՀ շրջակա միջավայրի մոնիթորինգի՝ Երևան քաղաքի մթնոլորտային օդի դիտարկումների, արդյունքների մասին 2017թ. տեղեկագրի տարեկան միջին պարունակությունները փոշու, ծծմբային անհիդրիդի, ազոտի օքսիդների և ածխածնի մոնօքսիդի համար կազմել են.

Որոշվող միացություն	Միջին տարեկան կոնցենտրացիա, մգ/մ ³	ՍԹԿ, մգ/մ ³
Ընդհանուր փոշի	0.143	0.5
Ծծմբային անհիդրիդ	0.029	0.5
Ազոտի օքսիդներ	0.022	0.2

<<Գաջ>> ՓԲԸ-ում գաջի և ցեմենտի արտադրության հետևանքով մթնոլորտ է արտանետվելու՝ կավագիպսի, գաջի, ցեմենտի և անօրգանական փոշի, հիմնականում 2÷4 վտանգավորության դասի ընդհանուր 7.94գ/վրկ, 198,1տ/տարի վնասակար նյութեր, ընդ որում՝ ըստ գաջի՝ 84,25 տ/տարի և ըստ ցեմենտի՝ 113,85 տ/տարի:

Մթնոլորտում վնասակար արտանետումների ցրման հաշվարկները կատարվել են համակարգչի վրա, <<Ռեդուլգա>> ծրագրով: Մթնոլորտում վնասակար նյութերի ցրման հաշվարկների արդյունքում հաստատված է, որ սպասվելիք մերձգետնյա կոնցենտրացիաները գտնվում են արդիւրապարակում և բնակելի գոտիների համար սահմանված նորմերում: Ուստի մթնոլորտ արտանետվող վնասակար նյութերի բերված ցուցանիշները կարող են հիմք հանդիսանալ գործարանի սահմանային թույլատրելի արտանետումների (ՍԹԱ) հաստատման համար: Աղտոտվածության մակարդակները

մոտակա բնակելի գոտում (640.0մ հեռավորության վրա Նորքի 9-րդ զանգվածից) կազմում են՝ $0.004 \div 0.153$ ՍԹԿ միավոր:

Գործարանի ջրամատակարարումը հիմնականում իրականացվում է խմելու որակի ջրով՝ Երևան քաղաքի խմելու ջրամատակարարման ցանցից: Գործարանի կանաչ տարածքի և բաց հրապարակների ոռոգման և ջրցանման համար օգտագործվում է նաև տեխնիկական ջուր քաղաքային ոռոգման ցանցից:

Խմելու որակի թարմ ջուրը օգտագործվում է աշխատողների տնտեսա-կենցաղային կարիքների համար, ինչպես նաև կոմպրեսորների հովացման շրջանառու համակարգի լրասնուցման նպատակով: Այլ արտադրական կարիքների համար ջրի օգտագործում նախատեսված չէ:

Կոմպրեսորների հովացումը կատարվում է շրջանառու ջրով: Շրջանառու հովացման համակարգը օժտված է փակ ջրավազանով: Հովացման ջրերի ջերմաստիճանը կոմպրեսորների ելքում հասնում է $50-55^{\circ}\text{C}$ -ի, իսկ մուտք գործող ջրի ջերմաստիճանը՝ 25°C : Գործարանում տեղադրված է 2 կոմպրեսորն աշխատում են միաժամանակ օրական 24 ժամ, տարեկան 350 օր: Փակ շրջանառու համակարգից ջրի կորուստը չնչին է՝ 0.005% , իսկ համակարգի լրասնուցման համար խմելու որակի թարմ ջրի պահանջը՝ $2.4\text{մ}^3/\text{տարի}$: Այսպիսով շրջանառու ջրի հաշվարկային ծախսերը տարեկան կազմելու են $48.4\text{հազ.մ}^3/\text{տարի}$, օրական՝ $138.2\text{մ}^3/\text{օր}$, իսկ ժամային՝ $5.76\text{մ}^3/\text{ժամ}$: Խմելու ջրի հաշվարկային ծախսերը կազմում են՝ տարեկան - $970.0\text{մ}^3/\text{տարի}$, առավելագույն օրական - $2.907\text{մ}^3/\text{օր}$, իսկ ոռոգման ցանցից ջրի օգտագործման ծախսը համապատասխանաբար $342.0\text{մ}^3/\text{տարի}$ և $1.9\text{մ}^3/\text{օր}$:

Շրջանառու ջրով աշխատող կոմպրեսորների հովացման համակարգից հոսքաջրեր չեն առաջանում: Ոռոգման և ջրցանման նպատակներերով ծախսվող ջուրը ամբողջությամբ օգտագործվում է անվերադարձ, արտահոսքեր չեն առաջանում: Առաջացած տնտեսա-կենցաղային կեղտաջրերը ուղղվում են քաղաքային կոյուղու կոլեկտոր: Տարեկան ծախսվող $970.0\text{մ}^3/\text{տարի}$ թարմ ջրի օգտագործման ընթացքում տնտեսա-կենցաղային կեղտաջրերի հաշվարկային ծախսերը տարեկան կազմելու է $873.0\text{մ}^3/\text{տարի}$, օրական՝ $2.49\text{մ}^3/\text{օր}$:

Օրվա ընթացքում Երևանի աերացիայի կայան ուղղվում են 1.94կգ աղտոտող նյութեր, իսկ տարեկան՝ 0.38տ : Որևէ արտահոսք բաց ջրային օբյեկտներ բացառվում է:

Աղմուկի մակարդակի հաշվարկը կատարվել է Նորքի 9-րդ զանգվածի համար, որը գտնվում է ընկերությունից ուղիղ գծով 650.0մ հեռավորության վրա, ելնելով արտադրության տեխնոլոգիական գործընթացներից, սարքավորումների տեղակայումից և ուղղվածությունից:

Աղմուկի բնույթը հաստատուն է: Հաշվարկները կատարված են վատագույն դեպքի համար՝ հաշվի առնելով ամբողջ տեխնիկայի միաժամանակյա աշխատելու հանգամանքը: 9-րդ զանգվածում՝ նշված հեռավորության վրա, աղմուկի մակարդակը կկազմի՝ 36 դԲԱ, ինչը գտնվում է նորմերի սահմաններում (նորման գիշերը՝ 45 դԲԱ, ցերեկը՝ 55 դԲԱ):

Ընդհանրացնելով և վերլուծելով ներկայացված նախագծային փաստաթղթերը, ՀՀ բնապահպանության նախարարության համապատասխան ստորաբաժանումներից ստացված կարծիքները, իրականացված հանրային քննարկումների արձանագրությունների արդյունքները, ինչպես նաև փորձաքննության գործընթացում ի հայտ եկած դիտողությունների ու առաջարկությունների հիման վրա լրաշակված նախագծային փաստաթղթերը, կարելի է անել հետևյալ եզրահանգումներ.

Ըստ փաստաթղթերի՝ գործունեություն նախատեսում է իրականացնել «Գաջ» ՓԲ ընկերության պատկանող (գործող գործարանի) տարածքում, Երևան քաղաքի Նորքի 9-րդ զանգվածի բնակելի տներից 640.0մ հեռավորության վրա, բացառելով նոր հողատեսքերի

ծտարում և կանաչ տարածքների ներգրավում: Գաջի արտադրության համար անհրաժեշտ հումքը ձեռք է բերվում ընկերության կողմից շահագործվող հանքավայրից, իսկ ցեմենտի արտադրության համար պահանջվող՝ կլինկերը, նախատեսվում է գնել: Գործունեությունը բուսական և կենդանական աշխարհի վրա անմիջական ազդեցություն չի ունենա, քանի որ տարածքը արդեն կառուցապատված է և շահագործվում է տարիներ շարունակ:

Մթնոլորտում վնասակար նյութերի ցրման հաշվարկների արդյունքում հաստատված է, որ սպասվելիք մերձգետնյա կոնցենտրացիաները գտնվում են արդիապարակում և բնակելի գոտիների համար սահմանված նորմերում: Ուստի մթնոլորտ արտանետվող վնասակար նյութերի բերված ցուցանիշները կարող են հիմք հանդիսանալ գործարանի սահմանային թույլատրելի արտանետումների (ՄԹԱ) հաստատման համար:

Ընկերությունը իր գործունեության վերազինման արդյունքում ակնկալվում է.

- գործարանի ընդհանուր արտադրողականությունը նվազեցնել տարեկան 102.0 հազ. տ-ով, ընդ որում՝ կրճատել գաջի արտադրողականությունը տարեկան 250.0 հազ. տ-ով, փոխարենը տարեկան նախատեսվում է արտադրել 148.0 հազ. տ ցեմենտ;
- ներկայիս 6 կետերում տեղադրված փոշեմաքրման սարքավորումներից բացի, նախատեսվում է վերազինումից հետո տեղադրել փոշեմաքրման սարքավորումներ ևս 5 կետերում;
- փոշեկլանման համակարգերի ներկայիս արդյունավետությունը 60-80% է, իսկ վերազինումից հետո նախատեսվում է հիմնականում երկաստիճան փոշեմաքրում՝ հասցնելով արդյունավետությունը 80-98%;
- վնասակար արտանետումները մինչև վերազինումը կազմում են 226,01 տ/տարի, իսկ վերազինումից հետո՝ 198,1 տ/տարի;
- աղտոտվածության մակարդակն վերազինումից հետո էլ արտոտապարակում և բնակելի գոտում գտնվելու է թույլատրելի նորմերի սահմաններում:

Հաշվի առնելով նախատեսվող գործունեության (գոյություն ունեցող գործարանի տարածք) իրականացման համար նախատեսված տարածքը, չափերը և գործունեության հզորությունը, շահագործման ժամանակ նախատեսված միջոցառումների արդյունքում տարածքի աղտոտվածությունը՝ շրջակա միջավայրի բոլոր բաղադրիչներով, կգտնվի թույլատրելի նորմայի սահմաններում: Նախագծում լուծված են կեղտաջրերի հեռացման, աղբահեռացման, վտանգավոր թափոնների կառավարման, մթնոլորտի աղտոտվածության նվազեցման հարցերը: Նախատեսված են շրջակա միջավայրի բարելավմանն ուղղված բավարար միջոցառումներ:

Նշեմ նաև, որ համաձայն <<Շրջակա միջավայրի վրա ազդեցության գնահատման և փորձաքննության մասին>> օրենքի հոդված 20-ի 7-րդ կետի՝ փորձաքննական եզրակացությունը կորցնում է ուժը, եթե նախատեսվող գործունեության իրականացումը չի սկսվում փորձաքննական եզրակացության տրվելուց հետո՝ մեկ տարվա ընթացքում:

Փորձաքննական պահանջներ

1. Մինչև գործունեության իրականացումն անհրաժեշտ է օրենսդրությամբ սահմանված կարգով ստանալ համապատասխան համաձայնությունները և թույլտվությունները (մասնավորապես՝ արտադրական վտանգավոր օբյեկտների նախագծային փաստաթղթերի տեխնիկական անվտանգության փորձաքննության և այլն):

2. Շահագործման աշխատանքների իրականացման ընթացքում անհրաժեշտ է խստագույնս հետևել նախագծային փաստաթղթի ՇՄԱԳ հաշվետվությունում ամրագրված բնապահպանական միջոցառումների և մոնիթորինգի ծրագրի պահանջներին, իսկ դրանց չբավարարման դեպքում ներառել լրացուցից միջոցառումներ՝ պարտադիր կարգով

պահպանելով բնապահպանական, կառուցման և շահագործման հետ կապված բոլոր նորմերը:

3. Գործունեության ընթացքում իրականացնել շրջակա միջավայրի բաղադրիչների (ջուր, օդ, հող և այլն) մոնիթորինգ, իսկ հետնախագծային միջոցառումների իրականացման և վերլուծության հաշվետվությունը պետք է հասանելի լինի պետական շահագրգիռ մարմինների և հասարակայնության համար:

4. Շահագործման և շինարարական աշխատանքների ընթացքում առաջացած շինադբի (կենցաղային աղբ) տարածքից հեռացումը, ինչպես նաև ջրօգտագործումը և վտանգավոր թափոնների (պահեստավորում և տարածքից հեռացում) կառավարումը անհրաժեշտ է իրականացնել օրենսդրությամբ սահմանված կարգով:

ԵԶՐԱԿԱՑՈՒԹՅՈՒՆ

<<Գաջ>> ՓԲԸ կողմից ներկայացված <<Գաջի գործարանի վերազինման>> նախագծի շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն, վերը նշված փորձաքննական պահանջների պարտադիր կատարման պայմանով:



Գլխ. մասնագետ

Կ. Մովսիսյան